



Inatsisartunut ilaasortaq  
Ruth Heilmann

Asasara Ruth Heilmann

Isumaginninnermut Naalakkersuisoqarfiup Inatsisartut suleriaasianni § 36 immikkoortoq 1 naapertorlugu apeqqutit saqqummiussatit ulloq 20. januar 2010 tigisimavai.

Aallaqqaasiullugu apeqquteqaaternut qujassuteqarfiginiarpagit aammalu uagut inuiaqatigiit akornatsinni ajornartorsiummut maannakkut pisumut saqqummiussinernut

Kommuneqarfik Sermersuup Nuummi ilaqtariinnut meerartalinnut inissianik attartortunut inigisaminnit anisitaasunut atatillugu periaasianut apeqquteqaaternut tunngatillugu, Kommuneqarfik Sermersuumi tamakkununnga tunngasunut akisussaasumut innersuut-tariaqassavagit.

Isumaginninnermut Naalakkersuisoqarfik nakkutilliissussaataitanermini naliginnaasumik nakkutilliinermi kommunit inigisamit anisitsinnermut atatillugu meeqqanik inissiisarnerannik naammattuugaqarsimangilaq.

Ilisimatitissutigisinnaavarali, meeqqanik inuusuttunillu ikiorsiisarneq pillugu Inatsisartut peqqussutaat nr. 1, 15. april 2003-meersumit takuneqarsinnaammat, ikiorsiinerit tamatigut meeqqap pisariaqartitai aallaavigalugit ingerlanneqartassasut. Tassami inatsisip siunertarinngilaa, ilaqtariit aningaasaqarniarnikkut ajornartorsiuteqarnerat kisiat tunngavigalugu inissiisoqartassasoq, uanilu pisumi inigisamut akiliutigisartakkanik kinguartorneq pissutigalugu inissaqarnermik ajornartorsiulerneq pineqarluni. Taarsiulluguli kom-munip siusinnerusukkut ikiuiniarnermut suliniutinik aallarniisnaasimasariaqaralarpoq, taamaasilluni ilaqtariit inigisaminiit anisitaanissaat pinngitsoortillugu.

Inussiarnersumik inuulluaqqusilluta  
Med venlig hilsen

Maliina Abelsen

2.februar 2010  
Sagsnr. 2010-025137  
Dok. Nr. 298602

Postboks 260  
3900 Nuuk  
Tlf. (+299) 34 50 00  
Fax (+299) 34 66 66  
E-mail: in@gh.gl  
www.nanoq.gl